

PL · 06.06.2020

Seguond festival da la chanzun rumantscha

Zuoz L'inscunter da chaunt e musica in onur a la chanzun rumauntscha es dals 1. als 3 lügl 2022 a Zuoz. I'l center saro il chaunt rumauntsch, in speciel il chaunt ladin, cun sias richas fuormas e spartas, scu chaunt da cor, chaunt da cumpagnia, chaunt d'iffaunts e chaunt in famiglia, chantautuors, pop e rock. Üna part essenziela dal festival es da promover cumposiziuns novas pels

coros. Perque invidan ils organisatuors a cumponistas e cumponists da crear cumposiziuns per inrichir las sportas pels cors. Quellas vegnan valütedas d'üna giuria professionela e preschantedas düraunt il festival. La decisiun es lura tal public chi tschern sias chanzuns prediletas da mincha categoria. Las cumposiziuns paun gnir inoltredas a partir da quist inviern chi vain. Üna comunicaziun precisa cul andamaint e culs termins segua d'utuon sülla pagina chanzunrumantscha.ch. Il comitè d'organisaziun cun Curdin Linsel, Arno Felix e Jachen Prevost ho cumanzo da primavaira cullas primas lavuors, uossa segua la planisaziun in detagl. L'unin «La chanzun rumantscha», iniziada da Giusep Guanin Decurtins, Clau Scherer e Flavia Walder es gnida fundada dal 2016. Il prüm festival da la chanzun rumauntscha ho gieu ló in marz dal 2019 a Trun. (pl)

Da der a fit a **Zuoz** a partir dals prüms lügl u seguond cunvegna, in quartier Vuorcha, abitaziun clera e quietta da

2 stanzas

chadafö separeda e bagn

fr. 1100.- / al mais / tuot inclus
(garascha per auto fr. 100.-)

Tel. 079 733 28 71

www.chanzunrumantscha.ch